



Broj: 02-83-6/23

Datum: 10.02.2023. godine

Na osnovu člana 63. stav 1 tačka d) Zakona o visokom obrazovanju Tuzlanskog kantona („Službene novine Tuzlanskog kantona“, broj: 21/21- prečišćeni tekst) i člana 119 stav 1 tačka d) Statuta Evropskog univerziteta „Kallos“ Tuzla, Senat na sjednici održanoj dana 10.02.2023. godine donio je

## **U P U T S T V O**

### **o postupku prijave i odbrane završnog – magistarskog rada na I i II integrisanom i II ciklusu studija**

#### **I OPŠTE ODREDBE**

##### **Član 1.**

Ovim uputstvom reguliše se postupak prijave i odbrane završnog – magistarskog rada na I i II integrisanom i II ciklusu studija (u daljem tekstu: rad).

##### **Član 2.**

Student je dužan da izradi rad u svemu prema ovom uputstvu, kao i prema instrukcijama mentora.

Mentor je dužan da studentu pruži pomoć pri izboru teme rada, izradi rada, kao i u pripremi odbrane rada.

Prijedlog za imenovanje mentora i/ili komentora daje student nakon konsultacija sa predmetnim nastavnikom.

#### **II PRIJAVA RADA**

##### **Prijedlog teme rada i mentora**

##### **Član 3.**

Student prijavljuje temu rada i predlaže mentora tako što popunjava u dva primjerka zahtjev za odobrenje teme i određivanje mentora za izradu magistarskog, odnosno završnog rada na obrascu PMT, koji je sastavni dio ovog uputstva.

Uz prijavu teme rada i prijedloga mentora iz stava 1 ovog člana, student predaje i potpisanu izjavu na obrascu ITM, koji je sastavni dio ovog uputstva.

Pored prijave iz stava 1 ovog člana, student predaje obrazložen prijedlog prijave teme rada, koji sadrži sljedeće, i to:

- ime i prezime kandidata sa biografijom;
- prijedlog naziva teme magistarskog rada;
- obrazloženje prijedloga teme koje sadrži opis naučnog problema koji je predmet istraživanja, opis ciljeva koji se žele postići, prikaz postojećih teorijskih shvatanja o predmetu istraživanja, hipoteze koja se istraživanjem provjerava, metodologiju istraživanja koja će se primjenjivati i spisak literature i izvora koji će se koristiti, i
- spisak naučnih i stručnih radova koje je kandidat objavio.

## **Komisija za ocjenu podobnosti teme i kandidata**

### **Član 4.**

Prijavu prijedloga teme rada razmatra Naučnonastavno vijeće.

Povodom prijave prijedloga teme rada Naučnonastavno vijeće formira komisiju za ocjenu podobnosti teme i kandidata i imenuje mentora.

Komisija iz stava 2 ovog člana je u obavezi da Naučnonastavnom vijeću podnese izvještaj o ocjeni podobnosti teme i kandidata u roku od 15 dana.

Po usvajanju pozitivnog izvještaja iz stava 3 ovog člana od strane Naučnonastavnog vijeća, student pristupa istraživanju teme i izradi rada.

### **Jezik i pismo**

### **Član 5.**

Rad po izboru studenta može da bude pisan latiničnim ili ćiriličnim pismom, na jednom od jezika koji su u službenoj upotrebi u Bosni i Hercegovini.

### **Član 6.**

Student je dužan da se pri izradi rada u svemu pridržava Uputstva za izradu završnih radova i drugih na Univerzitetu.

## **III ODBRANA RADA**

### **Komisija za ocjenu i javnu odbranu rada**

### **Član 7.**

Student predaje izrađeni rad mentoru.

Mentor obavještava Naučnonastavno vijeće da je kandidat okončao rad na izradi rada, tako što preko studentske službe podnosi Naučnonastavnom vijeću izvještaj o ocjeni rada na obrascu IMM, koji je sastavni dio ovog uputstva.

Po dobijanju obavještenja mentora iz stava 2 ovog člana, Naučnonastavno vijeće formira komisiju za ocjenu i javnu odbranu magistarske teze od tri člana.

Komisija iz stava 3 ovog člana je dužna da Naučnonastavnom vijeću podnese izvještaj o ocjeni rada u roku od 30 dana od dana preuzimanja rada.

Naučnonastavno vijeće usvaja izvještaj komisije o ocjeni rada.

### **Objavljivanje rada na uvid javnosti, datum i vrijeme odbrane**

### **Član 8.**

Nakon usvajanja izvještaja o ocjeni rada, rad se, zajedno sa izvještajem komisije, stavlja na uvid javnosti u trajanju od najmanje 15 dana uz objavljivanje na web-stranici Univerziteta da se može pročitati u biblioteci.

Datum i vrijeme javne odbrane određuje se rješenjem dekana.

### **Predaja rada**

### **Član 9.**

Po isteku roka iz člana 11 stav 1 ovog uputstva, student predaje rad studentskoj službi u najmanje pet tvrdo ukoričenih primjeraka, od kojih se po jedan primjerak uručuje svakom članu Komisije iz člana 10 stav 3 ovog uputstva, jedan primjerak Univerzitetskoj biblioteci, a jedan primjerak zadržava student.

Prilikom predaje rada, student prilaže i sljedeće:

- indeks;
- rad elektronskom obliku na CD-u;

- izjavu o autorskom djelu u dva primjerka na obrascu IAM, koji je sastavni dio ovog uputstva, i

- dokaz o izvršenoj uplati naknade za odbranu rada u iznosu koji je određen Pravilnikom o visini školarine i cijeni usluga koje se naplaćuju na Univerzitetu.

### **Javna odbrana rada**

#### **Član 10.**

Na javnoj odbrani rada student obrazlaže rezultate istraživanja i brani zaključke do kojih je došao.

Predsjednik komisije otvara zasjedanje i saopštava biografske podatke o studentu, podatke o njegovom ranijem naučnom radu, kao i podatke o ispunjenosti uslova za odbranu rada.

Student izlaže usmeno predmet i metod svog istraživanja, saopštava glavne naučne rezultate svog rada i daje odgovore i komentare na postavljena pitanja i osvrt članova komisije i prisutnih lica.

Nakon završne riječi studenta, komisija se povlači na vijećanje i donošenje odluke o rezultatu odbrane.

Na vijećanju komisija, bez prisustva drugih lica, donosi odluku da li je kandidat odbranio rad, a zatim javno saopštava odluku.

Odluka komisije može da glasi „*nije odbranio*“, „*odbranio većinom glasova*“, „*odbranio jednoglasno*“, ili „*odbranio sa odlikom*“.

U toku odbrane rada vodi se zapisnik koji potpisuju članovi komisije.

### **IV ZAVRŠNA ODREDBA**

#### **Član 11.**

Ovo uputstvo stupa na snagu osmog dana od dana objavljivanja na web-stranici Univerziteta.

Stupanjem na snagu ovog uputstva, prestaje da važi Uputstvo o postupku prijave, izrade i odbrane magistarskog / završnog rada broj 68-3/2018 od 30.05.2018. godine.

PREDSJEDNIK SENATA  
REKTOR  
Prof. dr. Kemal Brkić



**EVROPSKI UNIVERZITET  
„KALLOS“ TUZLA  
Ul. Maršala Tita br. 2A i 2B, Tuzla**

\_\_\_\_\_  
( ime i prezime )

\_\_\_\_\_  
( adresa )

\_\_\_\_\_  
( kontakt tel. i e-mail adresa)

**NAUČNONASTAVNOM VIJEĆU**

**Fakultet:** \_\_\_\_\_

**Studijski program:** \_\_\_\_\_

Predlažem da mi se odobri izrada magistarske teze / završnog rada pod naslovom:

\_\_\_\_\_  
\_\_\_\_\_  
\_\_\_\_\_

Predlažem da mi se za mentora imenuje:

\_\_\_\_\_  
( ime i prezime i zvanje nastavnika)

U Tuzli, dana \_\_\_\_\_ . godine

Podnosilac prijave:

\_\_\_\_\_  
(prezime, ime jednog roditelja, ime i broj indeksa)



**EVROPSKI UNIVERZITET  
„KALLOS“ TUZLA  
Ul. Maršala Tita br. 2A i 2B, Tuzla**

\_\_\_\_\_  
( ime i prezime )

\_\_\_\_\_  
( adresa )

\_\_\_\_\_  
( kontakt tel. i e-mail adresa)

**NAUČNONASTAVNOM VIJEĆU**

**Fakultet:** \_\_\_\_\_

**Studijski  
program:** \_\_\_\_\_

Ovim izjavljujem pod punom materijalnom i krivičnom odgovornošću da prijavljenu temu magistarskog / završnog rada pod nazivom:

\_\_\_\_\_  
nisam prijavio/la pod istim nazivom ni na jednoj drugoj naučno-istraživačkoj ili visoko-obrazovnoj ustanovi ovlaštenoj za organizovanje postdiplomskih studija.

Ova izjava može poslužiti samo u svrhu prijave teme za magistarski / završni rad.

**DAVALAC IZJAVE**

Mjesto: \_\_\_\_\_

Datum: \_\_\_\_\_



**EVROPSKI UNIVERZITET  
„KALLOS“ TUZLA  
Ul. Maršala Tita br. 2A i 2B, Tuzla**

**NAUČNONASTAVNOM VIJEĆU**

**FAKULTET:** \_\_\_\_\_

**IZVJEŠTAJ MENTORA O ZAVRŠENOM MAGISTARSKOM /  
ZAVRŠNOM RADU**

Obavještavam      Naučnonastavno      vijeće      da      je      student:  
\_\_\_\_\_, kome sam mentor na II ciklusu studija, izradio/la  
magistarski/završni rad pod naslovom:

\_\_\_\_\_  
\_\_\_\_\_

Rad sam pregledao/la i ocijenio/la pozitivno, ta tražim da Naučnonastavno vijeće imenuje Komisiju za ocjenu i odbranu rada.

**PODNOŠILAC IZVJEŠTAJA  
M E N T O R**

\_\_\_\_\_

Mjesto: \_\_\_\_\_

Datum: \_\_\_\_\_



**EVROPSKI UNIVERZITET  
„KALLOS“ TUZLA  
Ul. Maršala Tita br. 2A i 2B, Tuzla**

**IZJAVA O AUTORSKOM DJELU**

Ovim pod punom materijalnom i krivičnom odgovornošću izjavljujem da je magistarski / završni rad pod nazivom

---

---

moje vlastito i samostalno autorsko djelo.

Izjavljujem da mi je poznata odredba člana 84 Statuta Evropskog univerziteta Brčko distrikt, kojom je propisano da Univerzitet oglašava ništavom diplomu o stečenom akademskom nazivu magistra ako utvrdi da završni rad nije rezultat samostalnog rada studenta. Obrazloženu inicijativu za oglašavanjem ništavih diploma stečenih na Univerzitetu, odnosno na instituciji sa kojom Univerzitet zaključi sporazum o saradnji, može podnijeti rektor Univerziteta ili rukovodilac ustanove sa kojom je zaključen sporazum o saradnji, po službenoj dužnosti, drugi organi i organizacije i zainteresovano lice. Senat razmatra inicijativu i u slučaju da je inicijativa osnovana, rektor imenuje komisiju od pet nastavnika iz odgovarajuće naučne oblasti. Komisija razmatra inicijativu i podnosi Senatu Univerziteta izvještaj. Takođe mi je poznato da će moj rad biti dostupan u biblioteci i na web-stranici Univerziteta.

A U T O R

---

Potpis studenta